




150.5- Eskimo

421

E714 (R)

T8

1871

GUACANAGARI	PONTIAC	BLACK HAWK
MONTEZUMA	CAPTAIN PIPE	KEOKUK
GUATIMOTZIN	LOGAN	SACAGAWEA
POWHATAN	CORNPLANTER	BENITO JUAREZ
POCAHONTAS	JOSEPH BRANT	MANGUS
SAMOSSET	RED JACKET	COLORADAS
MASSASOIT	LITTLE TURTLE	LITTLE CROW
KING PHILIP	TECUMSEH	SITTING BULL
UNCAS	OSCEOLA	CHIEF JOSEPH
TEDYUSKUNG	SEQUOYA	GERONIMO
	SHABONEE	



TO PERPETUATE THE HISTORY
AND DEVELOPMENT OF THE
PEOPLE REPRESENTED BY THE
ABOVE CHIEFS AND WISE MEN
THIS COLLECTION HAS BEEN
GATHERED BY THEIR FRIEND
EDWARD EVERETT AYER

AND PRESENTED BY HIM
TO
THE NEWBERRY LIBRARY
1911

Gebetbüchlein für alle Wochentage


gelesen

TUKSIARUTSIT

uvlākut unnukullo,

uvlunut tamainut illingajut

Wocheme.




518712

421

E714 (R)

T8

1871



Sontageme uvläkut.

Nālegak Gūd Atātavut! Kujagivaptigit, uvlok tāmna tunnīlaurangne uvaptingnut, merngoerserkovluta, tuksiarkovlutalo, nertordlerkovlutalo. Ikkajortigit najorungnarlutit kittorngatit! uvlorlo tāmna kuviagijautilauruk uvaptingnut. Illumertortittigtōk Anernermik heiligemik! kuviasuktittigit Jēsuse Kristuseme Sabbatib Nālegangane, makkilauktome tokkungajunit uvlorme tamattomane, pissiarerkārluta aungminut, akkisartortiptingnelo mānna, tallerpikpit tungāne.

Kuviasukluta aitittigit iglungnut, taekkojomavlugik pitsartunīt nertornarnīllo, nellipsartaujomavlutalo illingnut. Pitsiarnīt nekkoksinarnersaungmet innōtsemit, kangasināpta nakorijeksarivātīt. Omaettivut nāvigomavavut sāngne, kemāvigigaptigit Nālegak Gūd nellāgōrtok nāpkigosuktok! Illingnut kigligiksarpogut ajorniptingnik, Nālegak, nāpkigittigit! Sorlo atātab kittorngane nāpkigingmagit, taimak nāpkigittigit, sivoragijitit! Ikpigitittigit uvlome, akkunaptingnēnavit! Ikkajortigullo, tussarungnarkovluta okausernik kibliktaujutiksaptingnut, tarniptalo piulijaunik-sangaennut.

Illagilaukit illūnaita uvlome okālaniartut okau-
sernik tussarnertunik, kattimajullo tamaita saimarkit!
Kaumaksarlaukittauk illūnaita tāksiortut, tokkublo
tachaliningaučtut. Anernilo heilige kovilauruk okper-
tunut tamainut. Okpertokotitit tamaita illagēktikit
nagliktiḡēngnerme, unganermelo Piulijšmingnik tok-
kolauktomik pivlugit, tuksiartomiglo pāne pivlugit!
ākiksortigullo, nertordlerungnarkovluta illingnik Sab-
bateme nāksaungitome. Kennunivut tamakkoa tus-
salaukit Ernīt Jēsuse Krituse Piulijivut pivlugo.
Amen.

Sontageme unnungme.

Atātavut kilangne, kennuniptingnik tussartotit!
uvlome illingnik tuksiarvekalauktut Anernermelo
miksekārnermelo tamaita kujaliningit, tuksiarningillo
pilaukit! issumagijungnaervigittigullo nāmagingitarnit
tamainit uvaptingne, Kristuse pivlugo.

Okautsitit heiligit okālatigijautikit nunane illū-
naine sillaitut sillatulerkovlugit, okpingitullo okpi-
lertitaukovlugit, ajortullijut sāgiartitaukovlugit, iv-
sornaititaumajullo sokkosijuititaukovlugit okperner-
mingne heiligeonerpāngojome. Nālegak Jesuse, sau-
gakotivīt ikkitut mianerijingat! nālegaunīt kaisarai-

laule. Inukattigêksuit illūnatik nertordlerkovlugit illingnik Gūdivut, okperkovlugillo tillilauktarnut Jēsuse Kristusemut. Nāpkigilaukittauk Israelitit, inukotigilauktettit itsaennenit, okpernermik tunnitsivigilaukit, piulijaujungnarkovlugit.

Inukotitit tamaita attausingortikit, sorlo attausiogavit Gūd Atāta, Ernerlo! Ivsornaitittigut sorlo igvit ivsornaigavit. Idluitut tamaita pējalaukit illup-tingnit, Sātanaselo tuttilauruk ittikapta attānut. Pat-tangaitittigut nertornarnivit pitakaloringninganit. Ik-kajortigut, pijomajat illūnāt pinniarlugo Jesuse Kris-tusekut pitsartutittigut. Illitarksinermik tāpsominga tunnitsivigittigut, nertornautekaromatailitittigullo sen-ningajolingata assianik. Ila pitsartutittigut, sok-kosijuitittigullo, illuptingnelo pinialaurit kuviagi-jaujunik kēnarpīt sangane, Jēsuse Kristusekut Nā-legaptigut; tāpsomalo nertornarninganut illingatitti-gut issokangitomut. Amen.

Montageme uvlākut.

Nagliktavut Nālegak Jēsuse! illingnut kaivogut uvlārme tamattomane, kennuvigivaptigillo, Woche ta-manna nālugo illagittigut saimanernut angijoksōjomut, nāpkigosungnerno. Erkilauktigut illūnata talling-

nut issa najūngnut, sapputittigullo asserornartunit tamainit, timekullo tarnekullo. Pijariakarluartaptingnik kaut tamāt, nerkiksamik annorāniglo, tunnitsivigittigut, kujalittigullo tamakkoa pivlugit. Ikka-jornernut illagittiguttauk pinasuarniptingne, sullinip-tingne, sullinata pinasuarkonnata. Sapputittigullo kanoētunit tamainit igluptingnelonēt assinelōnēt, imānelōnēt, sikkomelōnēt. Kanoēngitsiarnermik kuviasungnermiglo illingne tunnitsivigittigut. Idluarigungnelo kiksarnartokut ānianartokut tessiorluta, ungātittigut pijomajarnut nikkanarsārnerme, ōktortau-nivullo, sugiartaunivullo idluarkutiksaptingnut il-lingatilaukik. Ikkajortigut, pivalliatitigēkovluta ok-pernerme, naglingnermelo, neriungnermelo, kaiblai-jigēkovluta, nagliktigēkovlutalo igluvullo ōmattivullo inniksaukovlugit Anernernut heiligemut. Sillatuner-mik tunnitsivigittigut, kittorngavut innugoijungnar-lugit nertornautiksarnut, kuviagijaujungnarkovlugit illingnut, pilloriktitaunguarkovlugillo.

Tamainit anginerpāmik nagliktavut Nālegak! uv-lut tamaita Wocheme tamattomane, tarnipta pilloriu-tiksanga issumagijaule uvaptingnut, pinasuaraksa-tuaktut, illingnik naeglingnerkovluta, illingnut okper-kovluta, assiokonnatalo. Anernīt heilige tillilaurak, tāpsomunga kaut tamāt kaiblartaukovluta, Attausek Pijarialik kennerlugo, arvertarkovluta Gūdib kit-

torngangititut, ullapkosersummajutitut, kiksarutik-saukonnata illingnut illagēktokotingnullo, uvapting-nigle kuviasutekarungnarkovlutit. Amen.

Montageme unnungme.

Nālegak, tessiornikteojotit tamainik tettekartu-nik illingnik! tuksiarvigilutit kujagivaptigit, tamaun-ga tikkitilauraptigit. Tarnipta utakkigivātīt Nāle-gak, tessiortigigaptigit sergnigijigigaptigillo.

Taekkunārtigut kiksarniptingne ajornivullo unur-nersaujut niakupta nujanginit, issumagijungnaerkit, ānianitit pivlugit, pējalaukit aglangnit aungnut. Nā-legak! tuavi ikkajortigut. Tussunivut kaujimavattit: ubvartigut, tagva kakkornersauniarpogut appumit. Anernīt heilige uvaptingnit pēngilauruk. Nutāmik anginersamik tunntsivigittigut okpernermik, nag-lingnermik, neriungnermiglo. Okautsitit inniksa-kalaulit ōmattiptione, idluitullerkonnata illingnut. Okausearnik taimak perkutekartittigut sapkutserkon-nata mikkijomiglōnēt neriungnermik inōtsemik nāk-saun gitomik, Piulijipta najorningane.

Nāpkigosungnernut illagēt tamaita saimalaukit, illingnullo ungatilaukit, taimaktauk illavut tamaita, illūnata naglingnermētsainarkovluta illingnik.

Männalo Nālegak, innangajomagapta sinnijomav-
lutalo, kennuvigivaptigit sapputittigut idluitunit ka-
noētunillo tamainit timekut tarnekullo unnuarmetauk
najornernēkovluta. Amen.

Dīnstageme uvlākut.

Kujagivaptigit, nagliktavut Piulijivut! unnuarme
kāngertome kemmalaunginaptigit, serngnigilutale
uvaptingnēlauravit. Pijuksaungigalloarpogut pitsiar-
nernik nāpkigosungnerniglo, puigorsaraidlarapta ka-
nok angidlartomik nagligidlaraptigit, kujagikattangi-
naptigit ōmamut illuitomut. Issumagijungnaervigitti-
gulletōk nellāgōnginiptingnit, sangusarainiptingnillo,
ajornivullo tamaita pējalaukit aungnut heiligemut.
Innilangatailitittigut ōmatiptingne illingnēngikupta,
ivlersigupta sulle ajornermik, ōmatekangikupta sulle
aungnut sujungaititaumajomik. Nālegak Jēsuse! sang-
ēdlarpogut, sappidlarlutalo nāmaktomik nagligilutit
okpervigilutillo nangminiptingnit. Anginersauvōtille
ōmatiptingnit, sōgonersaulutillo Sātanasemit; tai-
maimat ikkajortigit kittorngautsainarkovlutaillingnut,
tarniptalo ōmigijingaennut pērtaumerkonnata illingnit.
Kissivīt tettigivaptigit Nālegak Jesuse, kangusukti-
tautailittigut. Amen.

Dĩnstageme unnungme.

Nālegak Gūd, sennalauktotit unnuarmik merngoerserviksaptingnut, sorlo uvlok sennalaurangne sulliviksaptingnut aggaptingnut! ama illingnut kaivogut kennuniptingnut. Nālegak ajokertortigut kanok tuksiartuksaugapta. Anernīt kovilauruk uvaptingnut, ikkajortigullo Piulijipta ittiganginut pāmangakovluta. Ajornivut issumagijungnaerkit, okpertittigullo pivluta tokkolauktomut, innōkovluta. Anernerub kaujtilittigut illangiutivekarniptingnik tokkunganik.

Kiksarnermik ajornivut pivlugit ajokertortigut. Pēlauruk uvaptingnit ōmat ujaraktun-itok, ōmamiglo uvinermik tunnitsivigittigut. Ikkajortigut idluinek ōmigilugo, idluarnerlo ivlerilugo. Sapputittigut akluitsomanermit. Perkutekarupta kunnutuiluta tunnijittittigut naglingnermut illingnik, ōmariktittigullo ajoksarkonata erkeasungniptingnut. Kannivut udsertorlaukit, okautsemik kuviagingitarnik annijokarkonago. Unnuak sinniktittigut ullapirsautekarluta illingnut innukattiptingnullo illūnainut.

Mannigolaukit kiksartut, innūlikillo kannimajut. Kaumanīt miksekarnīllo tillikliutikik nunanut tamainut. Illagilaukit okālajut okautsinik tusarnertunik nanēmangāta. Illingnik sivorajut tus-

suningit nāmaksitikit, ungagijitillo sokkosijuitikit. Najulaukit tamaita nipliavigijitit miksekärnerme. Pijarërtittigut, okpertullo tamaita, opallukonnata tik-kitsomäruvit ānanaunerne. Naglingnekartittigut illingnik, illiniarkovluta illuvurvivut issumagilugo in-nangaviptitut. Nālegak Jesuse! taekkoguvit sunamik idluarnerpāngojomik uvaptingnut, tamattominga tūn-nitsivigittigut. Amen.

Mittwocheme uvlākut.

Nālegak! okalaukpotit: „Kēnara kennersiuk“ kē-nait kenneromavavut. Uvluvut iviksukatitun-iput, nuvgolāktullo, tuavi itsungnaertotut. Issumaksar-siortittigut, uvluvut naidlarmata, sillatulerkovluta, uvluptalo kingorlerpāngaennik issumakarkovluta.

Uvlometauk Nālegak! malligomavaptigit, illiniar-teojomavlutalo illingnut. Igville sivorliolaurit, ijip-talo sānginētsainalaurit, illingnik taekkunātsainar-tittigut. Okkumaitokut tessioromaguptigit, nangia-nartomut kiksarnartomullo pijaukojomaguptigit, tagva issumagilauruk inukullōnivut sangēdlartunik, tik-kitautailitittigullo okkumaigiluadlartaptingnut. Uvlo-mele kanoēngitsiarkojomaguptigit, tukkisikojoma-guptigullo illanākarnernik pitsiarnerniglo tagva is-

sumaksarsiorittigit, tamattomunga nikkanareärnermut, kakkialernermullo tessioromagaptigit, taimailior-taujuksautsanginaptale piniarnivut pivlugit. Pival-liatsainartittigit illitarsinerme illingnik, pitsartutit-tigullo pititsijungnarkovluta senníngajolingmut uvi-niptingnik, tâpsomalo ikliguninginiglo kajungilär-ninginiglo taekkunärnermut aggangnik ittigangniglo puttolingnik. Amen.

Mittwocheme unnungme.

Nälegak Gūd! taekkunärtigit naglingnerme, ik-kajortigullo nâpkigosungnernut, tuksiarungnarkovlu-ta anernerme miksekärnermelo. Ajortoliksôvogut, sangêdlarlaptalo ikkajorungnangilagut nangminipting-nik. Kennuvigivaptigit, Anernît tunnilauruk uvap-tingnut, ômamut naglingnerkovluta Piulijiptingnik Jēsuse Kristusemik. Omatinik tunnitsivigittigit ômatiktun-itunik! pijomanekartailittigit pijomajar-nut akkerartortomik.

Kennuvogut, tamaita illitarsingitut Jēsusemik sâgiartitaukovlugit, inukattigêksuit illūnatik, inu-illo illūnatik kivgartorkovlugit ungakovlugillo tâpso-minga. Ikkajortittiguttauk okālanerme okausernik nellojunut. Illagilaukillo okālajut okausernik uvap-

tingnūt nellojunnullo. Okausingillo sullitikit. Ar-
vertartittigut kivgartoromajutitut illingnik, okausing-
ittigut pinniarningittigullo!

Kujagivaptigit nakorilutillo, kaut tamāt tunnitsi-
vigigaptigut nerkiksamik annorāniglo, iglomēviksa-
miglo. Kujagivaptigit, ajungitullivionivut kaut tamāt,
tamaita pivlugit, tarnivuttauk pairijaukogangne okau-
sernut ajokertortiptingnullo. Unnuarme tamattomane-
tauk sapputsinernut pigittigut, illavullo, iglomiukatti-
vullo ajokertortivullo. Engelektitit udsertorkokit
sinnigviptingne, kaupat tupangmerkovluta konoēng-
itsiartula nertornautiksarnut. Amen.

Donnerstageme uvlākut.

Nālegak kujagivaptigit, unnuak sapputilauraptigut
kanoētunit tamainit. Ajungitullinitit tamaita piv-
lugit kujalitsainartittigut, angijōdlarmata ila! Āna-
nāmik ila! issumagilaukpaptigut, okautsitit heiligit
tunnilaurangne uvaptingnut. Tukkinsinersautittigut-
tōk, okautsitit ittikapta kaumaneringmattigik, kau-
maingmatalo apkotiptingnik! Ajokertortivut, okau-
sernik uvaptingnut okālajut saimalaukit, illumertor-
kit Anerternik; naegligilugit, tuksiarutigilugillo ka-
jungersartigut. Okautsitit illingatilaukit saimartau-

jutiksaptingnut, mannigortaujutiksaptingnullo, illinganiptingne tamaine, piluartomik kiksarupta tarnipta piloringninga pivlugo. Sapputittigulletauk puigornemit okausernik koksanartunik, arvertartsainarkovluta apkome amitome piloringnartovingmut sāngmijome, arvertarkonatale apkome silliktome, kappianartovingmut torārtome. Nālegak Jēsuse! ikkajortigut, illingnētsonmārkovluta illūnata, atātamiglōnēt, anānamiglōnēt, kittorngamiglonēt pingitokarkonago. Nālegak! ajornek ōmaridlarkattaromavok sulle illup-tingne, ikligunerlo ajornek malligomavlugo; ila taimaimat nutāmik nāpkigittigut, erkaitilutalo okausernik, malliklutit arvertatsainarkovluta, tokkullo inniksakatsainarkovlugo ōmattiptingne. Amen.

Donnerstageme unnungme.

Nālegak! kaut tamāt unnuksivalliavut ajungitulivionivut timekullo tarnekullo; kujagivaptigit, uvlo-metauk nerkiksaptingnik tunnitsivigilauraptigit, mānnale kennuvigivaptigit: ajornivut issumagijungnaerkit! ajornivut okkumaigidlaraptigik, kappiasuklutale, kiksarlutalo kaivogut illingnut, nagvārtittigut merngoērserviksamik tarniptingnut illingne.

Illingnut kaivogut, kaujimagapta sukkaitōgavit

ningarnermut, angidlarmallo nāpkigosungnīt. Igvit sāgiartittigut, tagva sāgiarsimaniarpogut. Ikkajortigut inutokak illupthingne tokkolugo, inuktärle, Nālegak Jēsuse Kristuse attininiarlugo, ikkajortigut, malliklugo ivsornainerme, nikkanarsärnerme, kennuēnermelo, Sātanasemik akkerartorungnarkovluta, uvapthingnit kemmākovlugo. Anernīt illupthingne kigligiudsilaule, kittorngaugapta Gūdemut kingormgujjuk-saukattaugaptalo ānanaunermik. Kanoktok nellāgut saimartigut illagilutalo, sapputilutalo idluitomit, sinnaungajutaukonnata sāngne. Pivalliatittigut naglingnerme kaut tamāt, kuviasukluta kivgartorkovluta illingnik. Ajokertortigut kanok tuksiartuksaugapta pivluta assivullo pivlugit.

Mānnalo tarnivut illingne merngoērserlit, ānanāmik kivgatit piniarvigilaurangne Nālegak! Ikka-jortigut erkaumavlutit sinnigvippingne, issumaksarsiorutigilutillo pigārupta unnuarme. Pijarērtitigut inōtsemut pijomārtomut unnuakaromāngitomut, anginersamiglo ajungitullivigittigut tuksiarungnartapthingnit. Amen.

Freitageme uvlākut.

Nagliktavut Piulijivut! uvlometauk najortigut saimanernut ikkajornernullo. Akludlarpogut kanoēlap-

talo ajortomut, ullapirsautekatsanginapta kaut tamât
issumagijungnaervigingikuptigut. Tukkisitsiartittigut-
tôk, pigilutit kissiane pilorigungnarapta, ômativut
innigigungne, aungnut ivsornaitigungne, ânanausiti-
gungnelo. Ajortokullôjogullo nâpkigilauruptigut, nag-
lingnekartittigut inukattiptionut, sorlo nagligilau-
raptigut, piniarkonnata ningarnerme ômisungnermelo
inukattiptionut, nikkanarsârnermele, sorlo igvit
ômamut nikkanarsâravit, kennuêlarpillo. Naglikti-
gëngnerlo agviartzukpet, innilangatailitittigut, ômisung-
nek illunât ômatiptingnit përkârtinnago, ômamillo is-
sumagijungnaertigëkârtinnatalo. Nagliktigëngneung-
inermik sakkijartitsijut, tapkoa pitlarlaukit Nâlegak!
Anernerpit nippinganut sôngojomut ômatingine.
Pijaksaungitomiglo sunatuinarmik, sakkijâromajokar-
pet uvlome, tagva sâptingne sakkijalaurit, sorlo
Freitageme angijome ipsomane nivingalauravit ke-
jungme senningajolingme, ajornivut pivlugit, tagvane
illinniartittigut, naglingnek sunaumangât. Sekkinek
nippingilaule ningarniptingne. Idluitulliviojomangâr-
tittigut, idluitullijomanermit inukattiptionut, un-
nulerpet uvlome, kaut tamâlo illerasugata kênarpît
sânganut kaijungnarkovluta, kuviasugungnarkovluta-
lo; ajornivut issumagijungnaerangne, sorlo uvagut id-
luitullivigijivut issumagijungnaervigigaptigik. Amen.

Freitageme unnungme.

Nālegak, tunnergutinnik ajungitunnik tamainik, tarnemut timemullo illingajunik tunnijijotit: ākik-sortigut nipliavigilutit, angernerilauktat, Anernīt tunnijomagangne nipliavigijingnut tamainut, nellautsi-tilauruk. Angernerpīt ajokertorlittigut, kanok tuk-siørtuksaugapta, tussartaujungnarkovluta illingnut!

Naglingnivut illingnik illungertotsangilak sulle. Sillaksub pingita, uviniub ijiblo alliagivaktangita, piojorinermullo illingasarainipta sulle, ōktorkattarpātigut sulle, kanningititsomalutalo Piulijiptingnit. Nāpkigittigulle, ubvartigullo ajorniptingnit aungnut, okpernermētittigullo nellāgōrtome, illinganiptigut illunāgut sakkijärtittigut merngoērserviksarsimagapta tarniptingnut, senningajolikpit attāne!

Okautsit tussarnertut okālatigijaulittōk illūnāne. Saimanermik ullapirsaumiglo pekartikit illūnaita nellāgut nagligosuktut Nālegaptingnik Jēsusemik, nunakattivut tamaita najurlaukit! illūnatalo pigittigut.

Unnuarmullo illūnāne illumajaugupta, erkaitittigut, tokkub unnuanganut tikkitauijomārapta, pigārkovluta, suingartaukonatalo. Mānna tamāllo perkovogut sapputsinernut heiligemut, sinniktittigut ullapirsäume illingnut innukattiptingnullo, tupaktittigullo kaupat najornerne. Amen.

Sonnabendeme uvlākut.

Nālegak Jēsuse! ama Woche nājarērivok, kanni-
nersaulerpogullo issokangitomot. Puigortailitittigut-
tök, piviksavut tuavi nelliutijungnarmat. Taimaimat
ajokertortigut issumaksarsiornermik tokkojuksau-
gapta, sillatulerkovluta. Nālegak, nāpkigosungner-
nut kennuērsārnernullo anjjjoksōjomut sapputekatta-
laukpaptigut kannimaserme, nangianadlartomelo, ta-
mattominga issumaksarsiorntittigut kammagitsiartilu-
talo. Ila keviarnerme pilauktomuttauk, tokkojaria-
karniksaptingnik issumaksarsiorntittigut. Nangminek
pijarērtittigut, okpernermētilutalo, ivsornailiganner-
tilutalo, tikkiguvit kangalonēt, pigārluta naipitaukov-
luta. Attautsemiglōnēt pekarungnaertokarle iglupting-
ne, illagēngniptingne, ila sillaksoarme, ungangito-
mik, naglingitotmik mallingitotmik illingnik: Tokko-
viksavullo nelliutilerpet uvlomelōnēt, kaupellōnēt,
tagva najortigut, mannigorlutalo nekkoksitittigut tok-
kungnut. Kannimajullo kiksartullo illagēngniptingne
nellipsalaukit, ikkajornernik utakkitilaukit kennuē-
nerme, pijomaguvillo piulilaukit kiksarninginit. Ku-
jagivaptigilletauk sapputsinīt tunnergutitillo pivlugit.
Ikkajulaulit nellāgōrnersauvalliakovluta pinasuar-
nerme timipta pijariakartanginik, inōkonatale nang-
miniptinguik uviniptingniglo, pairkserkovlutale timip-

tingnik Ancernerub heiligib Tempelingatut, karn-
gasutitut asseroijuksatut, attiniaromärtuksatut asse-
roijuinermik adsionerne. Amen.

Sonnabendeme unnungme.

Uvlok tamanna Wochelo tamanna nāgalloarpūk
Nālegak. Nāpkigosungnille nāngilak. Ajornivut kit-
tiksaungigalloarput, kiksadlarlutale pāmangavogut it-
tigangnut, nipliavigivaptigillo, issumagijungnaervigit-
tigulletōk tamainit kiksarutigijarnit sulle uvaptingne.
Ajortoliksūb tokkunga pijomanginangne, āniajutigi-
laurangne kejungme senningajolingme, taimaimat ajor-
nivut tamaita pējalaukittōk aungnut, ikkingnillo kōk-
tokarle issumagijaujungnaernermik, saimanermik ulla-
pirsaumiglo ōmatiptingnut. — Kujalinermik opigo-
sungnermiglo pilaurilletauk, ajungitullinitit uvapting-
nik tamaita pivlugit, ōmativut pigilaukittok akkilliu-
tiksarivlugit, aungnullo ākilaukit kuviagijarnut. Pija-
rērtittigut tokkoviksaptingnut tikkiviksarnullonēt. Nā-
legaptingnik Jēsuse Kristusemik utakkijutitut illinga-
tittigut, tapsomanētsainarkovluta, pitlaraksaukona-
talo tikkiviksangata uvlungane. Kaupet inōkojo-
maguptigut, tuppaktittigut nertornautiksarnut, uvlung-
ne kivgartorlaptigit sivoranerme unganermelo heili-

geme. Mānnaſe ſinniktittigut najornerne, ſapputittigullo unnuarmetauk, perkutaukovluta illingnut, erkomangmangapta, ſinningmangaptalonet. Amen.


Attoraksat nerrijomajunut.

Nālegak Jēſuſe! illagittiguttōk nerrinerme, nerkiksarlo kailauktat nakkokſinartilauruk uvaptingnut. Amen.

Attoraksat nerrilauktunut.

Nālegak Jēſuſe! kujagivaptigit akkeartortilauraptigut, illanākartōgavit, pitsiarnīllo iſſokangitōngmet. Amen.

•



Pilling Library. 1903.

Ayer
86
345
.I58
1871b

E. Bastaniermullo & Dunsymullo nenertaulauput Læbaume 1871.

AYER

~~Estimado~~

~~93~~

